

金牌夢

中華民國六年

善書之益人心世道。功矣哉。往聖先賢之言。固行如雷。而
劣跡其軼而未載於簡編者。在聖賢之美譽不彰。奸佞之惡聲不著。
固無關緊要。惜後人不能取而法之。引而戒之。斯無益於人心世道
耳。苟有書以表揚之。揭櫟之。則可廣佈遠方。流傳永世。無論見知聞
知。對於聖賢。自生欽敬步趨之念。對於奸佞。更發疾惡懲戒之情。人
心因之以正。世道賴之以維。不識不知。風移俗易。其益人心世道。誠
非淺鮮。吾邑天民韓君。知其然也。爰於課徒之外。忙裏抽閒。既本斯
旨。編輯道真來華以餉世矣。然猶以爲未足。語曰。教人以善。謂之忠。
推己及人。謂之恕。韓君平素以忠存心。以恕接物。不有佳作。何伸雅
懷。茲又將金牌夢脫稿。再行付梓。以公同好。凡我同胞。人各一編。隨
時披閱。個人便可獲益。倘多人會萃之區。一人高聲朗誦。卽有不識
之無之人。亦能聲入心通。既可藉以消遣世慮。復能資以涵養性靈。

一言一行。悉以聖賢奸佞爲法戒。而人心世道之漸趨於正直淳厚。自有不期然而然者。非善書之有益於世道人心。烏能若是。我國古昔與近年出版之小說。充棟汗牛。取之不窮。閱之不盡。其宗旨正大。爲人心世道有益無害者。幾如麟角鳳毛。殊不多覩。而誨淫誨盜。卑鄙不堪。令人寓目汚心。入耳思邪者。竟逐處皆是。雖教育部出有取締售購之明令。而無道德之人視之。亦僅爲一種具文。誰肯聽者有心人。莫不怒焉傷之。當此人慾橫流時代。著書立說之壬人。禍心內蘊。肆意發揮。爲文筆之於書。刊行問世。俾讀者植惡根於心田。放惡花於口頭。結惡實於內。而家庭。外而社會。大而國家世界。推原禍首。操觚者宜尸其咎。然而欲小說之改良。端自正人心。世道始。欲人心世道之納於軌物。尤必須自崇奉真宗教。始望閱斯小說者。以拯救同胞。饑渴爲天職。朝夕虔禱天帝。憐念億兆生靈。開厥心。明其目。使急速返邪皈正。則韓君是書之作。豈曰小補之哉。

中華民國六年三月十九日饒陽光甫張春煦識於養心軒

序

經書載道。筆墨達情。既身入士林。誦法先。尚友古人。自當思益名教。志挽頹風。或振矐啟聵於話言。或化頑嚚愚於編輯。無非挽流俗於既倒。抵汚世於中堅。道術不一。心志相同。繼往開來。聖道以之發明。教傳有術。斯世以之拯救。不徒讀載道之經書。空運達情之筆墨。始可爲大有益於名教人心之儒士焉。然自古簡策。言詞深窳。晦而難明。普通士庶。艱於深奧。轉不若行世小說。以庸常之話言。傳光明之正道。雅俗共賞。誘引於耳濡目染。童叟可讀。化導於不知不覺。事雖稍涉詼諧。益却實在宏大。誠今世啟民牖衆之一高尚事也。奈一浮薄士子。本其蕩踰不羈之思。捏爲淫盜不法之事。體取小說。觀顏行世。非佳人才子。卽綠林夜客。以漁色爲風流。以殺人爲好漢。誨淫誨盜。惑世誣民。禍水橫流。飲之立斃。滔滔天下。孰是迴瀾妙手。芸芸

衆生若個志操金石。長此不已。不致盡驅齊民。肯入淫盜之途。至納之於禽獸之域而不止也。可勝浩歎。饒邑韓君天民。熱心公教。志切淑世。兼之聰明過人。敏思邁衆。古者七歲能文。依馬立就。當不過是。痛流俗之不返。哀小說之遺毒。遂思對症下藥。因病施方。爰於公忙之餘。撰就淑世小說。道真來華。業已印竣。金牌幻夢。又行脫稿。言取平易。務家論而戶曉。理求正大。庶移風而易俗。冀挽人心之陷溺。障狂瀾之潮流。本書內容。概叙賢豪貞操。堪爲毀譽。發明小豎奸險。藉作前車。善惡報應。無異晨鐘之示警。惠吉從凶。有如當頭之棒喝。大夢醒來。是非自知。將見大道同歸。回頭卽岸。而邪說詖辭之談。庶乎不被所惑。至於茶餘酒後。可供談資。待其餘事耳。書竣之後。急付手民。以公同好。君遂卽余索序。以硯田久荒。固辭不獲。無奈拉雜成幅。弁於卷端。亦不過體作者之意云爾焉。敢稱序。

中華民國六年三月十九日深縣振中王殿華識於求是室

序

上古有疑夢派。謂人生斯世。未必果真。兩間萬物。未必果有。起居也。食飲也。盡是夢中幻像。焉得謂的確。蓋夢見周公。而周公未必果來也。夢見黃糧。而黃糧未必果有也。若夫宗教道德之思想。則更無所依據矣。現下又出催夢派。借夢以瘳疾。借夢以問難。借夢以奪去箇人之自由。借夢以肆其奸盜邪淫之野心。世之做夢者日多。世之修德者日寡。嗚呼痛矣。韓生天民有見於此。故作金牌夢一書。以喚醒世之常夢。而不醒者。其益深矣。蓋夢中之事。不足以喜。不足以憂。夢作總統。而醒後仍無國權也。夢已已行畢業。而醒後猶無文憑也。夢居鴻樓。而醒後仍無住趾也。夢種千頃。而醒後仍無良田也。是總統者。政治家之金牌也。畢業者。文學家之金牌也。鴻樓者。商業家之金牌也。千頃者。農務家之金牌也。舉斯世士農工商。何莫非大夢中閒人乎。其順境也。奚以喜。其逆境也。奚以悲。惟在醒後之賞罰耳。故方

氏雖流落他鄉。而終有家庭之樂。失其良人而終有遇良人之時。二十年苦情悲況。一時全消。其非夢耶。其非大夢耶。世之含生負氣者。何不皆然。當其坐于廟朝。進退百官。喜有賞。怒有刑。人人道其盛德。個個稱其英才。何其樂也。未幾而民情瓦解。惡貫滿盈。竟嗚呼哀哉。而不起矣。粉白黛綠者。爲他人婦矣。其非夢中之大英雄也耶。夫安得一驚耳之雷。而喚醒世之常眠。而不醒者。醒醒醒。吾四萬萬同胞。共認宗教。起起吾四萬萬同胞。共進宗教。奮奮奮。吾四萬萬同胞。共傳宗教。則四海之內。盡出幽谷。而遷喬木矣。讀金牌者。尙其自醒也夫。

民國六年三月十九日智軒葛思聰氏識

序

嗚呼噫嘻。天地之間。一大夢場也。置夢蝶之形骸。於夢迷之世界。悠悠蕩蕩。夢渡風波之中。擾擾芸芸。夢沉世海之內。其間是是非非。真真假假。無非虛而又虛。幻而又幻。歷考古今。莫非鏡花水月。遍觀宇宙。悉皆海市蜃樓。卽以金牌夢一案言之。尤可慨也。禍源之起。由張務仁一粒夢想。苗而爲無量夢迹。其中夢思夢念。夢語夢言。逐夢波追夢浪。卒釀成此莫大與京之夢夢也。自製金牌之後。若方氏被迫出逃也。太璞受欺哭妻也。以及吳能柳二之貪財害命也。君子遭逆。小人行詐。紛紛亂亂。相逐於夢幻之中。致演出夢寐之事。夢色夢財。鉤引夢魄。夢形夢物。驚擾夢魂。遂使研究此案者。因夢入夢。亦不覺而墮入夢流之旋渦也。然鄙人運此夢筆。叙此夢景。而爲此夢中說夢者。將強宇宙之夢人。重登世界之夢場乎。非也。此亦喚夢之一術耳。譬如盲人夜行。臨淵將墜。必相之導之。扶之護之。告以危險所在。

始免跌落之憂。夫奸盜邪淫之陷阱。恆伏世夢之中。而如痴似癡之癡人。每沉淪醉夢之內。使無夢鄉振聾。何能喚醒夢人。是作濫事直書。無偏無黨。叙婚姻財帛如夢戲。重奸滑狡詐之因果。庶以睡中之幻夢。驚醒人世之大夢。俾入夢而不以爲夢者。不致長此夢夢也。此金牌夢之所由作。願以質諸天下之夢醒者。

民國六年三月十九日饒川先覺韓天民自序

大漢信報
抵京



活龍港不環
溺水






張務仁見
財生計

修女院三嬰
使計




武庫門
武克用武





要明鏡
武克
用武



潜河街

大璞去官

夢龍

虎

用

